

シテ皆之ヲ廢シテ群馬縣ヲ置キ、山田新田邑樂三郡ハ椽木縣ヨリ兼治ス、又群馬縣ヲ廢シ、餘十一郡熊谷縣ヨリ兼治ス、

〔日本書紀五崇神〕四十八年四月丙寅、立活目尊爲皇太子、以豐城命アツマノミコ治東、是上毛野君、下毛野君之始祖也、

〔日本書紀七景行〕五十五年二月壬辰、以彥狹島王、拜東山道十五國都督、是豐城命之孫也、然到春日穴、昨邑臥病而薨之、是時、東國百姓、悲其王不至、竊盜王尸葬於上野國、五十六年八月、詔御諸別王曰、汝父彥狹島王、不得向任所而早薨、故汝專領東國、是以御諸別王、承天皇命、且欲成父業、則行治之、早得善政、時蝦夷騷動、即舉兵而擊焉、時蝦夷首帥、足振邊、大羽振邊、遠津關男邊等、叩頭而來之、頓首受罪、盡獻其地、因以免降者而誅不服、是以東久之無事焉、由是其子孫於今有東國、

〔先代舊事本紀十國造〕上毛野國造

瑞籬朝神崇 皇子豐城入彥命孫彥狹島命、初治平東方十二國爲封、

〔續日本紀四元明〕和銅元年三月丙午、從五位上田口朝臣益人爲上野守、

〔日本後紀二嵯峨十〕弘仁二年二月庚辰、上野國元上國、今改爲大國、

〔類聚三代格五〕大政官符

應親王任國守事

上總國 常陸國 上野國

右檢中納言從三位兼行左兵衛督清原真人夏野奏狀、略望請點定數國爲親王國、迭任彼國、身

留京都、意欲居京官者、一兩人將聽、若有守闕者、不補他人、其料物者、納置別倉、支无品親王之要、伏聽

天裁者、正三位行中納言兼右近衛大將春宮大夫良峯朝臣安世宣、奉勅依奏、但件等國府官位卑下、

宜改定正四位下官、以爲勅任、號稱太守、限以一代、不可永例、